

Ёма-ё театр: выльвося гаж

Лёсьодіс: Л.Н. Камбалова
2017 во

ворсысьяс: Ёма (Ё.), Лымныв (Л.), Көдзыд пөль (К.П.)

Челядь пырöны залö.

Юргö шылад. Пырö Ёма. Мичаа вöччöма.

Ё.: Чолöм, челядь! Чолöм, верстьö! Локтан выль воон, тiянöс! Тi тöдiнныд менö? (челядьлөн вочкакыв) Ме - Лымныв! Көдзыд пöльлөн нучка! Видзöдöй кутшöм ме мича!

Юргö шылад. Пырö Лымныв.

Л.: Видза оланнуд!

Тöлын лымйöн ставыс тырö,
Выль во öдзöсö нин пырö,
Мича козпу керка шöрын,
Быдөн виччö ассьяс козин!

Ме сэтшöм рад, мый вои тiян гаж вылö! Кутшöм тi ставныд мичаöсь, нывьяс да зоньяс! О! И Ёма тани! Тэ тай талун сэтшöм мичаа вöччöмуд!

Ё.: Ну көть кодкö ошкыштіс! Челядь тай шуисны, мый ме абу и мича! Мый вöччö мирас? Некод оз вермы збыльвивса мичлунсö доньявны!

Л.: Гашкö, челядь эз и гөгөрвоны тэнö да ...

Ё.: А мый тани гөгөрвонысö? Юбка мича? Мича! Калат — мича? Мича! Шапка, дерт, абу корона, но бара жö туяс! И мыйöн ме абу Лымныв?

Л.: Но тэ абу и Лымныв! Тэ — Ёма! Мича Ёма! Мыйла тэныд колö лоны быть Лымнылөн?

Ё.: А ме көсья жö Көдзыд пöльлөн ыджыд пу керка-дворечас овны! Менам тшамья дзикöдз нин киссис, сё нэм нин ремонт вылö ЖЭУ-ын сулала да öчередьыс эз на и вөрзьев... Капуста көчан моз ставыс гартчöма...

Л.: Колök тэ он и куж ачуд гөрöдсö разьны да? Вай видлам öтвыв! Ворсыштам! Сувтам ставөн кытшö, куччысям киясөн. Ёмаöс корам синсö тупкыны. Гусьөн эн кыйöдчы! Сэк кості ми кияс ог лэдзöй да гартчам, а Ёма видлас миянös бөр разьны!

Мунö «Капуста» ворсöм. Ворсö шылад.

Ё.: Фу! Мудзи! Жуялі! Абу кокни гөрöдтö разьны! Тайö ставыс абу ме серти, бурджык ме вöзйыся Көдзыд пöль дорö овны! Со мый ме думышті, дасьта ассьым театр, лоа артискаөн да лёсьода Көдзыд пöльлы спектакль! Сылы кажитчас и босьтас менö ас дорас!

Л.: Тэнö öтнадтö али мый кутас Көдзыд пöльыд видзöдны? Гажтöм босьтас да унмовсяс!

Ё.: Сё збыль... О! Ме осьта Ёма-ё театр! Меным ковмасны ворсысьяс! Коді дась? (челядьлөн вочкакыв) А тi кужанныд кикимеритчыны? Петкөдлöй! (челядь петкөдлöны) А нерсьыны? (челядь петкөдлöны) Нуöдам кастинг! Ме лоа директорөн да и режиссёрөн тшöтш! А Лымныв кутас отсасьны бөрйыны

ворсысьясӧс!

Медводз меным колӧ пасьтасьны кызди директор. (*восьтӧ аскӧд вайӧм чумадан либӧ челночной сумка. Челядь отсӧгӧн бӧрйӧ аслыс паськӧм*).

Л.: Ну и кызди кутан бӧрйыны артистъястӧ? Мый налы колӧ кужны вӧчны?

Ё.: Кыздз нин ме шулі, медшӧрыс — тайӧ кикимеритчӧм! Видзӧдлам — кужӧны али оз... Сувтам кытшӧ да музыка улӧ круг шӧрын сулалысь морт бӧрся ставсӧ петкӧдлам (*ачыс медводз и петкӧдлӧ*).

Мунӧ «Семен дядь» ворсӧм.

Ворсысьяс сувтӧны кытшиӧ, пытикас йӧртӧны ӧтиӧс. Ставныс ветлӧдлӧны кытшиӧн да петкӧдлӧны сійӧ, мый сьывсьӧ сьыланкывйын:

Семен дядьлӧн вӧлі,

Этатиӧм пеляӧсь,

Вӧлі сизим челядь.

Этатиӧм ныраӧсь,

Сизимнанныс сійӧ:

Этатиӧм вомаӧсь.

Этатиӧм юраӧсь,

Найӧ эз уджавны, эз уджавны,

Этатиӧм тошкаӧсь,

Сэсся вӧчисны вот тадз...

Этатиӧм синмаӧсь,

Тайӧ кывьяс бӧрас кытшын сулалысь петкӧдлӧ кутиӧмкӧ фигура. Коді медся бурса петкӧдлас, сувтӧ кытши шӧрӧ.

Л.: Но мый шуан, Ёма? Артмӧ тай челядьлӧн ворсны!

Ё.: Но и мый! Ме со унатор жӧ кужа да ог ошйысь! Кӧлдуйта весиг-тӧ! (*петкӧдлӧ фокус*). Вот сӧмын кампетыд менам абу... А тиян, челядь, эм? А кодлӧн эм уна юмовтор? (*челядьлӧн вочкакыв*) Со ме и шуа, меным колӧ овмӧдчыны Кӧдзыд пӧль дорӧ... кампет дорӧ матӧджык...

Л.: кампет дорӧ?...

Ё.: абу кампет, а компот... лёка кылан тай... а гашкӧ, и став верстьӧыс сьӧкыд пеляӧсь да? Прӧверитам! Вай нӧдыштам! Мам-бать вочавидзӧны, а челядь вочакывсӧ шылад улӧ петкӧдлӧны!

Л.: Сувтам кытшӧ да ворсыштам!

Гожӧмнас руд рӧма ветлӧ.

Тӧлын еджыд гӧн век петлӧ.

Пельяс кузьӧсь, дженьыд бӧж...

Полӧ быдторйысь нэм чӧж. (Кӧч)

«Кӧч йӧктӧ, йӧктӧ!» шылад

Гыжъяс ёсьӧсь, ускыс кузь.

Ачыс мелі, но и сюсь.

Войнас, кыйсьӧ да оз узь. (Кань)

«Кань йылысь сьыланкыв»

Керка пельӧс йирӧ,

Бӧжыс быттьӧ вӧсни шӧрт,

Каньысь ёна полӧ,

Гӧбӧч сылӧн горт (Шыр)

«Шыр йылысь сьыланкыв»

Ё.: Со тай, кызди кужӧны гажӧдчыны, шыр-ӧ-каньясыд! А ме со мый йылысь

думайта. Ми өд медводдзаясь кутам петкөдчыны, а важ йөз шулөмны, мый видзөдысьяслы кө оз кажитчы — вермасны и сись помидорьясөн лыйлыны... Дерт, Көдзыд пөльылдөн помидорыд абу... но лым шмакыд сылөн тырмө... Колө лоны дасьөн! Репетируйтам. Юксям кык пельө да өта-мөдөс лыйлам лым шмакьясөн! Кутшөм команда медштөкыда инмалас — сійө и вермысьөн лоас!

Мунө ворсөм. Ворө шылад.

Л.: Ёма, ме тай пыр чайті, мый артистьяслы колө бура төдны ассыныс роль да велөдны петкөдчөм водзвылын кывьяс?

Ё.: Чайтан, мый челядыслөн паметьыс розя? Оз велапны? Ставсө өдйө вунөдөны? Тайө, гашкө, и бур да... (*гусьөн*) Позьө сідзкөн ылөдны, мый Көдзыд пөльыд кампетсө сетліс нин да найө сөйисны... а ачым дзеба гуся пельөсө да юмовсө өтам и сөя...

Л.: Мый сэн Ёма шөпкан? Юмовсө өтнад сөян?

Ё.: (*гораа*) Мися «Кушманөн» ворсам! Паметьсө войтырлысь прөверитам!

Л.: Юксям кык пельө. Сувтам өта-мөдлы воча. Быдөн кутчысьө воддза мортыслы коскас, а паньыд сулалысьяс — киясөн! Водзө мунө татшөм сөрни.

1 команда (*кокнас джоджө зымгө*). Гиль-голь өдзөсө!

2 команда — Код нө войнас локтө?

1 команда — Ёмалөн юрыс висьмөма да кушман корө!

2 команда — Кыскы да вужсө коль!

Тайө кывьяс бөрти быд команда ас дорас кыскө мөдсө. Командасьыс кө некымын морт орөччө — найө мунөны мөд командалөн бөжө. Ворсөм мунө водзө.

Мунө ворсөм. Кывьясыс экран вылын.

Ё.: Вот и бур! Менам артистьяс дасьөсь! Разөда рольяс! Быд ворсысьлөн аслас йөктан движение да маска (*лоасны кө ворсан инструментьяс, то позяс и найөс разөдны*).

Сөркни (ыджыд да ичөт)

Пөль (*ыджыдджык арлыда зон*)

Пөчө (*ыджыдджык арлыда ныв*)

Нывлөн ныв

Пон

Кань

Шыр

Ё.: Но и көні Көдзыд пөль? Дыр на сійөс виччысьны?

Л.: Челядь, вайө өтвыв корам Көдзыд пөльөс!

Шуөны кумысь. Ворсө шылад. Пырө Көдзыд пөль.

К.П.: Видза оланьыд, дона войтыр! Ичөт ныв-пи да мам-бать! Ок и важөн нин эг аддзысьлөй тиянкөд! Сэтшөма быдмөмныд! А тэ нө, Ёма, бара нин челядылы дөзмөдчан? Ок, кынта кө, эськө!

Ё.: Мый нө сэсса сразу и грөзитан! Бурөн локті, бурөн! Со, Ёма-ё театр осьті, челядкөд тэныд гаж петкөдлыны көсьям! Кажитчас кө, гашкө, и менө ас дорад овны босьтан...

К.П.: Видзөдлам! Ме со гөснечөн локті, а ті меным козин дасьтөмныд!

Ё.: Колөк и мен ыло на судзяс да...

Л.: Пиньыд, Ёма, юмовтор йывысьыд куш думайтигөн, эз на киссьы? Кыйтөм ошто өд оз кульны! Вай петкөдлі нин Көдзыд пөльлы ворсанторто!

Ё.: Но инө, Лымныв, лыдды! А ті, челядь кызди кыланныд ассьыныд роль — петой да ворсой!

Көдзис пөльө сөркни,
Быдмис сөркни ыджыд,
Сэтшөм ыджыд сөркни,
Кутшөм эз на вөвлы.
Сөркни пөльө кыскө -
Кыскыны оз вермы!

Шылад.

Пөрысь пөчөс пөльө
Отсөг ыло корө.
Воис пөрысь пөчө
Отсөг ыло пөльлы.
Кыскөны нин кыкөн -
Сөркни оз и вөрззы.

Шылад.

Корис сэки пөчө
Нывлысь ичөт нывсө.
Тільсөны зэв зіля
Ыджыд сөркни гөгөр.
Оз и вөрззы сөркни,
Куимлы оз сетчы!

Шылад.

Нывлөн ичөт нылыс
Корис сэки понсө.
Кутчысисны нельөн
Өти сөркни корйө.

Сөркни ыло налөн
Оз на тырмы выныс!

Шылад.

Понйыс сэки корис
Отсөг ыло каньөс.
Надзөникөн локтіс
шылыыд юра Машук.
Мырсьөны нин витөн -
Оз на кыпты сөркни!

Шылад.

Ветліс сэки каньыс
Рыныш дорө шырла.
Шыркөд сэні лои
Сөркни перйысь квайтөн.
Шыркөд налөн выныс
Бура уна содіс.
Кутчысьөма пөльыс,
Кутчысьөма пөчыс,
Кутчысьөма нылыс,
Кутчысьөма понйыс,
Кутчысьөма каньыс,
Кутчысьөма шырыс,
Кутчысисны квайтөн -
Нетшыштисны сөркни!

Шылад.

К.П.: Молодечьяс! Со кызд менө гажөдісны! Лымныв сет ворсысьяслы юмов козин!

Ё.: Меным юмолыс нө вичмас? Босьтан ас дорад тэ овны?

К.П.: Юмов сета! Заслужитін! А вот гортө лэдзны тэнө пола. Съөд балялы еджыд гөн оз петав. Бурджык тэнсьыд тшамья отсала дөмны да мөдам керкаясөн өртасыны. Сөглас?

Ё.: А кампета тшайнад мөдан гөститны?

Л.: Ёма, дерт жө, пызан ылын юмов лоас!

Ё.: Сідзкө, сөглас! А челядьтө ме медводз ас дорө ыльмөдөм тшамьяө тшай юнытө гаж бөрти и корла!

Л.: Лада ладөн овны колө! Зык да вен мед мунасны! Ёрта-ёртлы отсөг ыло пыр мед челядь локтасы!

Ё.: Көдзыд пөль, вай ворсыштам! Тэнсьыд синьястө тупкам да «Синтөм

гораньысь» ворсыштам!

К.П.: Но и бур! Вай ворсыштам!

Мунö ворсöм.

К.П. Ок и мудзи! Ок и сюсьось - тэрыбось.

Л.: Лок, Көдзыд пöль шойччышт, а челядь тэныд кывбурьяс виьталасны.

Кывбурьяс висьталöм. Быдöнлы öтикаöн кампет сетöм.

К.П.: Молодечьяс! Аттьö! Сьöлöм бурмöдінныд! Гажыс водзö медым мунö, колö козсö биён мичмöдны, сылы сьыланкыв сьывны.

Öтвылысь муöны: Козйö, козйö, öзйы! Сьылöны сьыланкыв.

«Коз пу йылысь сьыланкыв»

Ё.: Көдзыд пöль, ворсім-сьылім, йöктім-кывбур висьталім, а козиньястö тай миянлы эн на и сет!

К.П.: Вот öд, збыль öд вунöдi! Көн нö менам мешöкöй! Некод эз аддзыв?

Козиньяс сетöм.

Л.: Аттьö, бур йöз, гажöдчöмысь! Миянлы Көдзыд пöлькөд колö водзö мунны!

А тiянöс со Ёма корис водзö гөститны. Ветланныд? Онö повзьöй?

Ё.: Нинöм сэнi повнысö! Ме öд и мам-батьсö тшöтш кора! Öтвылысь öд гажаджык! Кутчысьöй меным бöжö да и лэбам ставөн!

К.П. Аддзысьлытöдз, дона войтыр!

Л.: Локтан воö пандасям!

Көдзыд пöль да Лымныв мунöны Шылад.

Ё.: Но и ми мөдöдчам. Кутчысьöй, эн полöй! Сьөрсьөн-бёрсьөн сувталöй! Лэбам!

Ворсö шылад. Медводз öти кытш вöчöны залас, а сэсся петöны мөд жырийö. Тшай юöм.

ПОМ.